



UNIVERSITÄTS-  
BIBLIOTHEK  
PADERBORN

**Hexaēmeron Hē Toi, Kosmourgia, Georgiou tou Pisidou  
diakonou ...**

**Georgius <Pisida>**

**Lutetiae, 1585**

De frugibus

---

[urn:nbn:de:hbz:466:1-70102](https://nbn-resolving.org/urn:nbn:de:hbz:466:1-70102)

Si quidem minus, vel vermibus doctoribus,  
 Credat colendam sibi reuiuiscenciam.  
 Quem consequi veniæ queant illi modum,  
 Qui propriis tangunt suæ digitis manus  
 Demortuum vermem, è sepulchro qui redit:  
 Et intuentur id, nisi oculis niueant,  
 Incredulam ac mentem gerant pro credula.

1290 Et vnde hirundo oculis priuata lucidis,  
 Tribus diebus prodit oculis prædita?  
 Herbam exprimendo singularem pupulis:  
 Eam Chelidoniam, neque absurde, iubent  
 Veteres vocari, iudices qui † dogmatum,  
 Ex rebus æstimationem quæ capit:  
 Æstate certè hæc, ceu lyre sonum refert,  
 Bruma at recurrente premitur, tectum subit,  
 Et arbore inuenta sibi fabricat domum,  
 Ac fasciata sternitur ligni assulis,  
 Tandemque velamen leue alarum exuit,  
 1300 Rursusque amicitur nouo isto tegmine,  
 Quasi mortua è busto reducta, & postuma:  
 (Ver namque vt ad vitam redeat illa efficit.)  
 Garritque multum, dictitans totos dies,  
 (Sermonis vsus si quis est volucris)  
 » Mortalis homo colas reuiuiscenciam,  
 » Qui cernis à tumulo loquacem hirundinem.  
 Frugem satam quis intimo terræ è sinu  
 Educit, & quasi in sepulchro conditum  
 Et putre granum mille spicis ampliat?

De hirudine.

Chelidonia,  
 de qua Plinius  
 lib. 8. c. 17.  
 & l. 25. c. 8.  
 Basil. hom. 8.  
 hex.  
 † nomenclaturæ.

De frugibus.  
Iean. 11.

M iij

PISIDÆ, MVNDI OPIIFICIVM.

Non vt Sophistæ fabulatores ferunt  
 Vnius ortum, alterius obitum existere:  
 Nec ceu arbitrantur ex equi cadauere  
 Vespas oriri, at ex asello cantharos:  
 Apemque nasci de iuueno sedulam:  
 Nam forma non mutata generis permanet:  
 At semen eius quod prius humi putruit,  
 Essentiam ad primam reuertitur suam.

*De Procrea-  
 tionc.*

Quis seminum, cùm liberis datur opera,  
 Corruptionem in ossium vertit struem?  
 Putrescat & nisi semen hoc mortaliū,  
 Exanime corpus vt tumulo vteri abditum,  
 Conceptione infantulus non fingitur,  
 His cum organis, nervis, & ornatu cutis.

1320

*Resurrectionis  
 fides à vulne-  
 rum curatione  
 comprobatur.*

Quis robur ergò conditoris non timet,  
 Cùm primum id exemplum, hoc & alterū quoque,  
 Nos doceat à corruptione viuere?  
 Nobis at insignes imagines licet,  
 In mortuorum erectione lucida,  
 Præferre, nostrâque indicare vulnera:  
 Testesque vibices ibi producere,  
 Vocaliores vel tuba clarissima:  
 Nam quando sanies putris interlabitur,  
 Et fistulam parit igneo de pabulo,  
 Haud possit vllus inuenire tabidi  
 Membri redintegrationem viuudam,  
 Ni fluxerit primùm & vietum corruat,  
 Planèque mortifica peresum tabe sit,

1330

Ac pror-